

164 785



QUÆSTIO MEDICA

QUODLIBETARIIS DISPUTATIONIBUS

MANE DISCUTIENDA

IN SCHOLIS MEDICORUM.

Die Jovis 3. Decembris.

M. PHILIBERTO MORISSET

DOCTORE MEDICO, PRÆSIDE.

An hydropi vena-sectio?

I.

PARTIUM corporis humani ea est syntimoria atque consensus, ut unâ affectâ & insigniter læsâ cæteræ condelegant, ac unaquæque alteri morbum creet: venter capiti, caput carnibus ac ventri; hinc minimæ partis voluptas ac dolor principes firmat ac roborat, vel ipsarum temperiem immutat roburque dissolvit, etsi aliæ citius & facilius, aliæ tardius & difficilius plestantur; & non secus ac inter humores nempe sanguinem, pituitam & bilem duplicem flavam & nigram, ex quibus corporis natura constat, per quos dolet & sanum est, alii aliis præpollent, dominantur ac potentiùs agunt obsistuntque, ita inter varias partium corporumque formas & naturas series habet, atque adversus morborum causas, quædam imbecilliores, quædam validiores & velut immunes existunt, qui vel *ἀπὸ τοῦ ἐξωτέρου*, vel *ἀπὸ τοῦ ἐνδοτέρου* oriuntur, sive acuti sint, sive longi ac *δύσκολοι*, qui sensum sine sensu calorem nativum humidumque primigenium exhauriunt: quorum alii lethales, phthisis, hydrops hypofascidiosis, in muliere utero gerente pulmonis inflammatio, febris ardens, pleuritis, phrenitis; alii dubii sunt eventus *ἀπὸ τῶν ἀνισομετρίων*, peripneumonia, pleuritis, angina, hepaticus ac splenicus affectus, nephritis, dysenteria, in muliere sanguinis fluor; cæteri minimè lethales, *ἀπὸ τῶν ἰσχυρῶν*, melancholia, podagra, coxendicum affectus, tenesmus, febris quattana, tertiana; inter acutos quidam in alios transeunt, morbus lateralis in

febrem ardentem, phrenitis in pulmonum inflammationem, tenesmus in dysenteriam, hæc in lienteriam cujus confectarius est hydrops; longos, autem hos esse necesse est, tabem, intestinorum difficultatem, podagram, κίσμα, ischiadem, senibus renum dolorem, mulieribus fluorem sanguineum, hæmorrhoides.

I I.

INTER morbos qui hypochondria obsident primas tenet hydrops, cujus sæpe tanta calamitas est ut ad illius nomen exterriti homines toto corpore perhorrescant & fracto sint animo, cujus idæa cernitur in abdomine tanquam utre distento, vel in compagine universi corporis quod inæquale est; hanc distentionem facit vel spiritus flatulentus, qui si moveatur tanquam percussus tympani creber est sonus, vel aqua in alvetum ipsum collecta, quæ moto corpore fluctuantis instar Euripi impetum facit; hinc hydropis antonomasiam sibi vindicat pars illa distenta, cujus distentio similis est utris repleti, & ab eâ similitudine dicitur hydrops, cujus causa est ἡ διπύχλια τῆς αἱματώσεως ἐργον: hinc seri, pituitæ & flatuum perennis est generatio, ex quâ ὁ δρερς triplex emergit, tympanites, ascites & hypopolarcidios; sanguificationis frustratio fit vel impedimento hepaticæ functionis; vel alienatione facultatis sanguificæ; hepaticæ functionis obex cernitur in dysenteria, lienteria, diarrhæa, tum in torminibus alvi, quæ nullâ curatione quiescunt, præterea in liene magno ac duro, unde lienosis facultatis sanguificæ duplex causa, una quidem ἀτονία, altera μαλαρότης φεφρυγῆς; exhausti hepatis atque tosti causa est cæcusignis, vel ardor febrilis: ille jecoris gratiosum humorem depopulatur ipsumque reddit ex succum, quod arescendo fit durum & è suave-rubenti nigrum aut cinericium: sic ab exhausto vis perit sanguifica & pro sanguine funditur serum aut pituita atrii coloris aut cinericii: nec marasmus derepente fit, sed sensim symptomatum feritate ægris minuitur exitium; altera causa marasmi hepatici est febrilis ardor quod ipsum conflamat & arescit, qui citò mortiferus, ut in Hermocrate; aut hydropificus, si ex morbo acuto hepar ἐκ τῆς κατὰ φύσιν αἱματώσεως egressum in ὁ δρερς incidit.

I I I.

QUISQUE suos patimur manes, ac plerisque partibus suis est hydrops, cerebro, pulmobi, utero, testibus, licet quidam morbi sint ætati & naturæ magis familiares, vix tamen quisquam ab hoc affectu se immunem asserere valet, qui senibus frequentior, calidis & siccis nativis magis lethalis, sæpe acutorum & vetustorum morborum βλάσην ac soboles; in hoc triplici monstro tympanites sese deterrimum exhibet & curatu difficillimum, tum demum ascites medici industriam eludit nisi cautè ac ὀραῖος agendorum ansam capiet & instar draconis Hesperii pervigil totus & sedulo tam immani diroque hosti profligando incumbat, interdum præcaveat quippe sunt illius instantis & futuri signa ut & præsentis & abeuntis sua τεχνήσια, crepant enim ædificia antequam

corruant, minitatur fumus incendium, & antequam tempestas ingruat unâ Eurus Notusque ruunt creberque procellis Africus; imminet enim hydropem flatus in imo ventre atque illius spatii collectos cum ilium dolore si neque medicamentis neque tempori cedant quis neget portendere. In his tamen signis non raro tactus & visus sensuum certissimi judices & exploratores hallucinantur, præsertim si hepatis scirrhus quem illico sequi consuevit *καλὸν δὲ περιμυελίδος* comes & asclela fuerit, qui etsi initio multò evidentius quàm inflammatio innotescat, tractu tamen temporis magis increfcens scirrhus non æquè faciliè deprehenditur interceptante iudicium ascite; atque num curatu facilis aut *ἀλυτός* ac *ἀνίατος* fuerit necne, sagacissimus & in arte exercitatissimus medicus certò potest asleverare: & quamvis vulgò obscurissimos & valdè difficiles morbos opinio magis quàm ars iudicet, in his tamen plurimùm imperitiæ peritia præstat & antecellit *ὅτι δὲ ἀνὴρ ὁπιοῖται καὶ οὐ μέγα πᾶσι δὲ ἀέριον*.

I V.

QUÆRUNTUR artes quibus morbus per se gravis & periculi plenus possit abigi, si inveteratus occurrat, ferè *ἀνίατος* omnem eludit industriam, ut patet in Bionis Ctesiphontis aliorumque ægrorum historiis, qui aquâ-intercutem variis symptomatis stipato correpti, seu decumbentes, seu erecti & stantes repentino fato extincti sunt: si incipiens duo sunt præstanda, collecti humoris vacuatio, & hepatis quod à suâ temperie seu Lesbiâ normâ & Policleti regulâ deflexit redintegratio & confirmatio, & quò natura vergit, eò ducenda sunt omnia, quæ sæpe sola absque ullo adminiculo exequitur; unde ineunte hydrope si aquosa incidat diarrhæa cruditatis expers morbum exolvit, & vice versâ, si aqua sectione factâ confertim eruperit, nullus est saluti locus: non secus ac si semel medicamentis profligatus recurat aut tussis malè habeat, aut epilepsia superveniat, num ergo aquâ intercutem laborantem sese laboribus exercere convenit? sudare, panem edere, potu non multo uti prodest? Num aut tres scopos collimare decet, ut durus tumor quò viscus premitur evanescat? Ut apponantur ea quæ humiditatem dissolvant, & propinentur medicamenta quæ urinas moveant: num tympaniti curando multa felicitate opus est, præsertim multis laboribus, fortè & temperantiâ? An à symptomatis correctione auspicandum, & ad declinationem causâ antecedentis ad spirandi libertatem & partium neoterisimum sanguinis missio confert, quam celebrare licet non modò ubi utraque plenitudo adest, sed etiam absque plenitudine initio phlegmones, quæ aut propter ictum, aut dolorem, aut partium infirmitatem oritur, atque etiam ubi crudorum humorum copia stabulatur.

V.

PRINCIPIES scopi mittendi sanguinis sunt duo, morbi non modò præsentis sed imminetis magnitudo, & virium robur: & cum magno gravissimoque morbo magnum debeat præsidium, nec ullum venæ sectione præstantius excogitari possit, mirum non est si arthriticis, mor-

bo comitiali obnoxiiis, melancholicis, vertiginosis, anginâ, peripneumoniâ, plevritide, aut morbo aliquo insigni correptis, venæ-sectio necessaria sit, ac ægros ab eorum tyrannide vindicet: & cùm inter gravissimos morbos hydrops primas teneat, quippe cùm ab hepate partium & viscerum principe ortum suum ducat, sanguinis detractione indiget ad *απορροή* & declinationem quidem in metu ascitis, tympanitis ejus quoque curatione, cui seu *ἀνέμω φρεσὶ τοῦ μῆνους* velut sacra anchora & ultima naufragii tabula jure à divino sene proponitur: etenim in sanguinis multi crassi & feculenti ubertate spiritus magna inest copia, quæ huc & illic impetu delata, tandem in partes nobiles irruit, cui non aliud expeditius & promptius *ἐπαφροδίτου* remedium, quæ ut copiam & calorem, naturamque sub pondere gementem levat, *εὐεργίας* ac *εὐπνοΐδου* conciliat, ita flatibus viam aperit, magnoque discrimine totum corpus liberat: *ὡς δὲ δυνάμει τοῦ σώματος ἀντὶ τῆς γινόμενης ἀντρεμίστης*, sed assiduâ caloris motione flatus plurimos gignit, nonsecus ac in lebere fervens aqua spumam: nec ab iis deterrèt leucophlegmatias: ut enim immodicâ lignorum strue ignis suffocatur, sic nimia materiâ calor natus extinguitur: itaque ad declinationem causæ antecedentis & spirandi libertatem restituendam sanguis ex basiliâ mittendus venit; & quoniam fieri assolet ut anasarca sæpe ab excrementi suppressione ut hæmorrhoidum & menstruum materiæ enascatur, interdum vena malleoli tundenda est, cujus eventilatione calor prius nimia humoris conclusi copiâ obrutus, aut intemperie obsessus expeditior fiet & ad sua munia obeunda alacrior.

Ergo hydropi venæ-sectio.

DOMINI DOCTORES DISPUTATURI.

M. Ioannes Robert.
M. Ludovicus Gayant.
M. Franciscus Vezou.

M. Claudius Puyson.
M. Petrus Yvelin.
M. Franciscus de la Chambre,
Medicus Regis ordinarius.

M. Alanus Lamy.
M. Claudius Quartier.
M. Franciscus Landrieu.

Proponebat Lutetiæ PETRUS YON Parisinus,
A. R. S. H. MDCLXXI.

PARISIIS,

Ex Typographiâ FRANCISCI MUGUET, Regis &
Illustrissimi Archiepiscopi Typographi, viâ Citharæ.